



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorum Per Germaniam, Belgivm,
Galliam, Hispaniam, Italiam, Aliasque Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt CXXIV. S. Bavonis Collegivm Cathedrale Gandense, in Flandria.

urn:nbn:de:hbz:466:1-11227

De Ecclesia *Cesaraugustana* in Hispania, quæ olim fuit Canoniorum regularum, item de Cathedrali Basilica Gandensi, quæ olim fuit Benedictinorū in Belgio, vide suis infra locis.

CAPVT CXXIV.

S. BAVONIS COLLEGIUM CATHEDRALE Gandense, in Flandria.

SANCTI Bauonis monasterium fundauit S. *Amandus*, Traiecti Ad Mosam Episcopus, idque potissimum eiusdem S. *Bauonis* opibus. Initio tamē non monachos sed clericos simul uiuentes instituit: quibus amotis, quod licentius uiuerent, monachos S. Benedicti collocauit, sub Abbate S. *Florberta*. Qui cū multum sanctitate & doctrina clarerent, multis bonis & priuilegijs dotati sunt, ab Imperatoribus, Carolo Magno, Ludouico Pio, Othone secūdo & alijs. Inter hos *Hildebertus* octauus fuit Abbas Gandensis, qui contra Fautores Imperatoris Constantini Copronymi, non modò verbis, sed etiam sanguinis ac vitæ profusione confirmauit pium imaginum cultum. Rursus, inter hos fuit *Einardus* siue *Eginhartus* Caroli Magni Cancellarius doctissimus; qui fama monasterij clarissima inuitatus, habitum in eo religionis suscipere non dubitauit, factusque est decimusquintus Abbas.

Idem præclarissimas reliquias sanctorū *Petri & Marcelli* ex vrbe Roma Gandensi suæ

Ecclesiæ procuravit. At post felicia Einardi tempora, Normanni barbara crudelitate Gādense monasterium cum alijs concremarunt, totamque Flandriam vastarunt. Tunc monachi S. Bauonis, cum sancto corpore & Ecclesiæ munimentis confugerunt Andomaropolim, inde Laudunum, & aliò. Centum prope modum annos exularunt; semper tamen, quantum licebat, in communi viuebant, sub vnus capituli obedientia; & corpus S. *Bauonis*, seu pretiosissimum thesaurum secum cōferebāt, Tandem circa annum 940. relato corpore, facta est cœnobij instauratio per *Arnulphum* Flandriæ Comitem & *S. Gerardum* Broniensem Abbatem, virum eximium, qualem omnino illa tempora postulabant; qui XX. Abas cœnobio præfuit annis plus minus quindecim. Etsi verò hoc monasterium multis bonis exutum sit Normānorum direptione, monachorum exilio, maris inundatione, Principū quorundam iniuria ac violentia, alijsque modis, Dei tamen fauore, & præsentium Sanctorum suffragijs, atque intercessione non penitus exhaustum est. Nam ex eius prouentibus clerus cathedralis Ecclesiæ Sancti Bauonis Gandensis in hodiernum vsque diem honestè sustentatur. Est enim monasterium anno 1535. per Paulum III. (procurante id Carolo V. Imperatore cui Patria fuit Gādauum) reductum ad Canoniorum statum, quem primitus habuit.

Qui

Qui anno 1540. (cum monasterij locus arci exstruendæ aptaretur) transmigrarunt ad parochialem Ecclesiam Sancti Ioannis, quæ nunc est cathedralis S. Bauonis. Sic ferè Molanus in Natalibus Sanctorum Belgij.

Est autem Gandavum ornatum cathedra Episcopali anno 1559. per Paulum IV. Papam petente Philippo secundo Rege Catholico.

CAPVT CXXV.

SANCTI MARTINI COLLEGIUM
Cathedrale Iprensè in Flandria.

BEatus Ioannes Morinensis seu Teruanensis Episcopus obiit anno 1130. Is triginta annis Episcopatum sanctissimè rexit, iudiciorum, pauperum, Ecclesiarum, bibliothecarum, & dilatandæ religionis sedulus obseruator. Qui, in libro vitæ, numero Sanctorum piè creditur ascriptus; quamquam non sit per Romanam Ecclesiam canonizatus. Vita eius in monasterio Sancti Bertini manuscripta habetur. Hic Ipris ad Sanctum Martinum Canonicos regulares ordinis Sancti Augustini instituit; qui quidem anno 1559. per Paulum IV. Papam facti sunt Canonici sæculares, cathedra Episcopali noua in eodem Sancti Martini templo collocata.